

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Савјет националних мањина БиХ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM / ZASTUPNIČKI DOM

Vijeće nacionalnih manjina BiH

Broj: 05/7-39-1-158-75/21

Sarajevo, 6. 10. 2021.

Z A P I S N I K

75. sjednice Vijeća nacionalnih manjina BiH, održane 16. 9. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Eva Pašić-Juhas, Mladen Radmilović, Davor Ebner, Nedžad Jusić, Jovanka Manzalović-Šalaka, Hakan Varan, Halil Bicaj i Dejan Piotrovski.

Sjednici, iz opravdanih razloga, nisu prisustvovali: Tijana Vučurević, Marija Grbić i Vjeročka Gajić.

Sjednici su, također, prisustvovali Aida Kreho, sekretar Zajedničke komisije za ljudska prava, i Enver Bogućanin, stručni savjetnik za informiranje u Sektoru za odnose s javnošću Parlamentarne skupštine BiH.

Na početku sjednice, prilikom rasprave o dnevnom redu, Tihomir Knežiček zatražio je skidanje s dnevnog reda tačke 2, s obzirom da za raspravu, kako je navedeno, nije dostavljen materijal u pisanoj formi. Ovaj prijedlog nije prihvaćen - tri glasa bila su „za“, deset glasova „protiv“ i dva glasa „suzdržan“.

Silvija Vujović predložila je uvrštavanje nove tačke dnevnog reda pod nazivom *Posjeta relevantnim institucijama AP Vojvodine koje se bave pitanjima nacionalnih manjina*, što je jednoglasno prihvaćeno.

U okviru tekućih pitanja Davor Ebner predložio je razmatranje Informacije o mjerama i radnjama policijskih službenika Uprave policije Ministarstva unutrašnjih poslova Kantona Sarajevo po prijavi nestanka mldb. M.M, što je jednoglasno prihvaćeno.

U skladu s navedenim izmjenama/dopunama, sjednica je imala sljedeći dnevni red:

1. Usvajanje Zapisnika 74. sjednice Vijeća nacionalnih manjina BiH;
2. Razmatranje posljedica neusvajanja Zakona o Budžetu institucija BiH i međunarodnih obaveza BiH za 2021. godinu po nacionalne manjine u BiH, inicijativa Nedžada Jusića;
3. Posjeta relevantnim institucijama AP Vojvodine koje se bave pitanjima nacionalnih manjina, inicijativa Silvije Vujović;
4. Tekuća pitanja:
 - a) Razmatranje Informacije o mjerama i radnjama policijskih službenika Uprave policije Ministarstva unutrašnjih poslova Kantona Sarajevo po prijavi nestanka mldb. M.M, inicijativa Davora Ebnera.

Ad. 1. Usvajanje Zapisnika 74. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik usvojen s 13 glasova „za“, bez glasova „protiv“ i dva glasa „suzdržan“.

Ad. 2. Razmatranje posljedica neusvajanja Zakona o Budžetu institucija BiH i međunarodnih obaveza BiH za 2021. godinu po nacionalne manjine u BiH, inicijativa Nedžada Jusića

Predsjedavajući Vijeća nacionalnih manjina BiH Andrija Svatok dao je uvodnu riječ inicijatoru Nedžadu Jusiću. Prilikom izlaganja posebno je naglašen težak položaj udruženja pripadnika nacionalnih manjina u vrijeme pandemije COVID-19, te potrebu da Vijeće nacionalnih manjina BiH radi sve za njihovu dobrobit, bez obzira na sva politička dešavanja. Potreba pomoći udruženjima od Vijeća nacionalnih manjina BiH posebno se odnosi na pokušaj osiguravanja finansijskih sredstava, osim sredstava iz postojećih budžetskih linija Ministarstva za ljudska prava i izbjeglice BiH i Ministarstva civilnih poslova BiH.

Istaknut je i prijedlog da se na narednu sjednicu pozovu predstavnici Ministarstva za ljudska prava i izbjeglice BiH i Ministarstva finansija i tezora BiH, kako bi se razgovaralo o uspostavi fonda za nacionalne manjine ili o drugom modelu osiguranja sredstava za udruženja nacionalnih manjina, koja bi se dodjeljivala nezavisno od već postojećih sredstava granta i sredstava koja se dodjeljuju na osnovu javnog poziva (za određene projekte).

U raspravi su učestvovali Dragan Marković i Jakob Finci.

Prijedlog je usvojen s 14 glasova „za“ i jednim glasom „suzdržan“.

Ad. 3. Posjeta relevantnim institucijama AP Vojvodine koje se bave pitanjima nacionalnih manjina, inicijativa Silvije Vujović

Predsjedavajući je dao riječ Silviji Vujović, kako bi obrazložila inicijativu za posjetu AP Vojvodini. Tom prilikom gđa Vujović istaknula je posebnu i veoma dobru organizaciju udruženja nacionalnih manjina u AP Vojvodini, te mogućnosti da određene dobre prakse budu preuzete i u BiH.

Imajući u vidu potrebu odobrenja putovanja u AP Vojvodinu od kolegija domova Parlamentarne skupštine BiH, jednoglasno je prihvaćeno da se u narednom periodu, kada se za to ispune uslovi, uputi molba za odobrenje putovanja, te se pristupi njegovoj organizaciji.

Ad. 4. Tekuća pitanja

a) Razmatranje Informacije o mjerama i radnjama policijskih službenika Uprave policije Ministarstva unutrašnjih poslova Kantona Sarajevo po prijavi nestanka mldb. M.M, inicijativa Davora Ebnera

Davor Ebner obrazložio je sadržaj Informacije o mjerama i radnjama policijskih službenika Uprave policije Ministarstva unutrašnjih poslova Kantona Sarajevo po prijavi nestanka mldb. M.M, te situaciju i aktivnosti koje su prethodile dobivanju navedene informacije. U raspravi o ovom pitanju učestvovali su Velibor Kuvač, Nedžad Jusić i Dragan Marković. Istaknuta je potreba aktueliziranja problema 'trgovine ljudima' i od Odbora za Rome, te izrade i dostavljanja dopisa nadležnom tužilaštvu sa iskazivanjem podrške u procesuiranju svih slučajeva trgovine ljudima.

Informacija i prijedlog jednoglasno su primljeni k znanju/podržani.

Sjednica je završena u 17.50 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**